

Headline	2015 MENCABAR		
MediaTitle	Harian Metro		
Date	10 Mar 2015	Color	Full Color
Section	Bisnes	Circulation	825,000
Page No	42	Readership	2,475,000
Language	Malay	ArticleSize	267 cm ²
Journalist	N/A	AdValue	RM 10,354
Frequency	Daily	PR Value	RM 31,062



2015 MENCABAR

Tabung Haji berdepan cabaran bayar bonus seperti 2014

Lembaga Tabung Haji menjangkakan 2015 sebagai tahun mencabar untuk mengulangi pembayaran bonus seperti tahun lalu sebanyak 6.25 peratus dan bonus tambahan dua peratus kepada pendeposit.

Timbalan Pengarah Kum-

pulan/Ketua Pengawai Eksekutifnya, Datuk Johan Abdullah berkata, banyak faktor menyumbang kepada persekitaran serba mencabar itu, termasuk bencana banjir pada akhir tahun lalu, penyusutan nilai ringgit serta penurunan harga minyak mentah.

"Ia masih terlalu awal untuk memaklumkan (anggaran bonus pendeposit) pada masa sekarang. Jika anda maklum dengan unjuran pasaran, (keadaan) perniagaan sememangnya

mencabar," katanya.

Beliau berkata demikian kepada wartawan selepas majlis penyerahan zakat perniagaan kepada Majlis Agama Islam dan Adat Is-

tiadat Melayu Kelantan (MAIK), di sini semalam.

Tahun lalu, Tabung Haji membuat pembayaran bonus RM3.2 bilion kepada 8.6 juta pendeposit, meningkat 23 peratus berbanding 2013.

Jumlah pendapatannya bagi tahun lalu RM3.29 bilion, merosot sedikit berbanding RM3.73 yang diraih

pada 2013.

Pembayaran zakat perniagaan Tabung Haji kepada MAIK meningkat RM4.04 juta tahun ini berbanding RM3.87 juta tahun lepas berikutan prestasi keseluruhan Tabung Haji yang lebih baik.

Menurut Johan, Tabung Haji akan meneruskan tumpuannya terhadap teras perniagaan tempatan seperti perbankan Islam, perlombongan dan hartanah.

Pada masa sama, Tabung Haji terus kekal aktif sebagai pelabur jangka panjang di pasaran saham tempatan dengan melabur dalam saham terpilih yang berkualiti. - BERNAMA



Headline	2015 MENCABAR		
MediaTitle	Harian Metro		
Date	10 Mar 2015	Color	Full Color
Section	Bisnes	Circulation	825,000
Page No	42	Readership	2,475,000
Language	Malay	ArticleSize	267 cm ²
Journalist	N/A	AdValue	RM 10,354
Frequency	Daily	PR Value	RM 31,062



TENGGU Mahkota Kelantan, Tengku Faiz Petra Sultan Ismail Petra (tiga dari kiri) bergambar bersama Johan (tiga dari kanan) pada majlis penyerahan zakat perniagaan kepada MAIK, semalam.